

## 2. Skutk wobnowjenja khřćeńskeho sluba.

### 1. Zawodny khěrluš.

### 2. Duchowny (na wołtarju):

168. To je tón dzeń, kotryž tón Knjez činił je,

Wosada: Teho dla zradujmy a wjeselmy so we nim.

### Duchowny:

169. Je-li zo z wutrobu wěrimy, budžemy prawi,

Wosada: A je-li zo ze rtom wuznajemy, budžemy zbóžni.

Próstwa, wobhnadženje, khwalenje a postrowjenje kaž na swjedžeńskich dnjach.

161. **Duchowny:** Modlmy so k Bohu: Wšehomócný Božo, smilny Wótče, tebje khwalimy, tebje česćimy, k tebi so modlimy wšitkeje smilnosće a swěrnosće dla, z kotrejž sy tute džěci dotal žohnował. Knježe, hladaj džensa z hnadu na nje, hdyž swoje slubjenje před tebje njesu; žohnuj je ze swojim swjatym Duchom a pomhaj, zo bychu žohnowane wostałe za čas a wěčnosć.

Abo:

162. Wšehomócný, smilny Božo, kiž sy prawy Wóćec nade wšitkimi, kotřiž so na tebje spušćeja, a bjez kotrehož hnady nihtó ničo njezamóže ani před tobu ničo njeplaći,